

Kako aplicirati za projekte? Uslovi za apliciranje

Radne grupe umrežavaju pojedinačne članove bh. dijaspore i zainteresovane osobe sa ciljem da kroz razmjenu ideja, informacija i iskustva zajedno razvijaju i realizuju projektne ideje i inicijative. Izrađene projektne ideje i inicijative doprinose u prvoj liniji razvoju Bosne i Hercegovine kroz aktivno uključanje bh. dijaspore i služe opštem dobru.

Inicijative i projektne ideje radnih grupa za koje je potrebno obezbijediti početna sredstva ili pokrivanje određenih troškova **šalju se koordinatorima radnih grupa putem e-mail-a**, koji ih potom prosljeđuju Upravnom odboru i-dijaspore na odobravanje. **Projektni zahtjev obavezno obuhvata sljedeća tri dokumenta:**

- **Projektni koncept**
- **Vremenski plan aktivnosti**
- **Budžet i finansijski plan**

Dokumente ćete naći na web stranici i-platforme u rubrici „Informacije > Downloads“.

Uslovi za apliciranje

Upravni odbor i-dijaspore će se pri razmatranju mogućnosti financiranja apliciranih inicijativa i projektnih ideja rukovoditi dolje navedenim kriterijima:

- Projektne inicijative i ideje moraju biti u skladu sa ciljevima i-platforme, to jest prvenstveno doprinosti razvoju Bosne i Hercegovine uz aktivno uključanje dijaspore;
- U razmatranje se uzimaju isključivo projektne inicijative i ideje iz sljedeće tri oblasti: **ekonomija, kultura, obrazovanje/nauka;**
- Projektne ideje i inicijative moraju doprinosti opštem dobru, a ne pojedincima i određenim udruženjima, organizacijama, institucijama ili kompanijama;
- Projektne ideje i inicijative se moraju odvijati u Bosni i Hercegovini ili u Švicarskoj;
- Projektne ideje i inicijative moraju imati dugoročan efekat;
- Projektne ideje i inicijative moraju uključivati drugi finansijski doprinos ili radni doprinos od strane podnosioca prijave (najmanje 50% ukupnog budžeta). Prijave u kojima će biti iskazan zahtjev za financiranjem cjelokupne vrijednosti projekta neće biti odobrene;
- i-platforma pruža mogućnost finansijske podrške u vidu obezbjeđivanja početnih sredstava do 50% ukupnog budžeta u iznosu do maksimalno CHF 35'000.

Napomena:

- Godišnji budžet i-platforme za pružanje početnih sredstava je limitiran. Iz tog razloga je i-platforma u mogućnosti finansijski podržati samo određeni broj projekata;
- Prednost pri selekciji projekata će imati projekti koji su nastali unutar radnih grupa;
- Rok za podnošenje projektnih ideja je otvoren tokom cijele godine;
- Upravni odbor i-dijaspora se sastaje 4-6 puta godišnje i aplicirani prijedlozi projekata biće razmatrani na prvom sljedećem sastanku od datuma podnošenja. Odluka će podnosiocima zahtjeva biti pismeno saopštena;
- Nepotpuni projektni zahtjevi neće biti razmatrani.